

besteht / deren wir nichts eufferlichs hin zu thun / noch darvon nemen / denn das wir in seiner bereitung die vberflüssigkeit hinweg thun. Vnd Diomedes in Turba sagt: Brauchet die Ehrwürdige natur / dann die natur wirt nicht verbessert denn in ihrer natur / welchen du nichts eufferlichs solst hin zu thun / weder staub noch ander ding.

Vnd Rosarius sagt: Wenn man im etwas eufferlichs zu thut / wirt es als bald zerstört.

Zum vierdten / eh man den Stein in das geschirz thue / muß man zuvor seine vberflüssigkeit hinweg nemen. Vnd dises ist sein reinigung / die durch die infusion vnd eingießung volbracht wirt. Es wirt nichts vberflüssigs / auch nichts mangelhaffts an vnserm Stein gefunden. Ist derhalben die eingießung sein reinigung / dieweil der Lapis in seiner natur ganz rein ist. Daher in via universalis kein meldung geschicht von der reinigung vnserer weissen vnd roten Erden / darumb das sie gnug gereinigt vnd gesaubert feil gefunden werden. So ist doch sein gnugsame reinigung / das er auß seinem Hauß gezogen werde / vnd in ein anders gethan / vnd beschlossen werde / ut supra: das ist Solutio in seinem eignen Hauß wirt ein fliegender Vogel geboren: vnd in einem frembden ein tingirender stein: beide Vogel danckē auff der Königen Tisch vnd Köpffen / dann diese scheinbarliche kunst haben beyde Vögel / der mit fligeln vnd auch der ohne fligel gegeben / vnd können der Menschen gesellschaft nicht verlassen. Sein Vatter erwecken die faulen zur arbeit / die Mutter speiset die / so durch arbeit seindt müdt worden / erquicket ihre zarte Seelen vnd zieret sie. Derhalben zerreiß das Hauß / brich die wendt ein / zieh den aller reinsten safft heraus mit dem Blut / kochs das du essen könnest. Daher sagt Arnoldus in lib. Secretorum, Reinige den stein / zerreib die thür / brich caniculam, nimb darauß das zarte fleisch / so wirstu das aller beste ding haben. Derhalben ligen in einem einigen ding alle Glieder verborgen / vnd leuchten alle Metall darinn. Dieser seindt zwen Künstler / zwey geschirz / zwo zeit / zwo frucht / zwey endt / ein heil.

## C A P V T X V I I .

Daß die beschließung zum Regiment von nöthen sey.

**E**s muß aber nicht allein das geschirz sehr starck sein: sonder muß auch wol verschlossen sein wie gesagt / dann so die aller subtilisten Spiritus nicht behalten wurden / so wurde das ganze Werck ver-